



Sjálfstæði Íslands og atburðirnir vorið 1940, prentað mál

Bjarni Benediktsson – Stjórnmál – Fullveldi – Þjóðverja – Dana – Finnlandsstríð – Þýskaland –
Landhelgisgæzlan

Tekið af vef Borgarskjalasafnsins

bjarnibenediktsson.is

Einkaskjalasafn nr. 360
Ræður og greinar 1940-1965.
Askja 4-2, Örk 10

©Borgarskjalasafn Reykjavíkur

Sérprentun úr Andvara
65. ár, 1940.

Sjálfstæði Íslands og atburðirnir vorið 1940.

Eftir Bjarna Benediktsson.

I.

Frá því er endurreisn Íslands hófst, hafa Íslendingar ætið tekið í sinar hendur öll þau ráð yfir eigin málum, sem þeir gátu frekast náð á hverjum tíma. Fullveldi Íslands hefir þó ekki fengizt baráttulaust. Baráttan hefir verið tvíþætt. Annars vegar hefir hún verið við hið erlenda ríki, sem hér hafði yfirráð um margra alda skeið. Segja má, að þeirri baráttu hafi að mestu lokið 1918, því að samkvæmt sambandslögnum eiga Íslendingar það að nær öllu undir sjálfum sér, hvort þeir taka öll mál i eigin hendur eða ekki eftir 1943. En hinum þætti baráttunnar var eigi lokið 1918. Hann var gegn vantrú Íslendinga á því, að þeir væru þess megnugir að standa á eigin fótum.

Pessi vantrú er engan veginn óskiljanleg. Íslendingar eru lítil þjóð og fátæk i stóru og erfiðu landi. Rökin gegn því, að slikri þjóð sé unnt að halda uppi fullvalda ríki, eru mörg, og óttinn við, að illa muni fara, alls eigi ástæðulaus. Það var því ekki af umhyggjuleysi fyrir velfarnaði þjóðarinnar, að ýmsir Íslendingar hafa fyrr og síðar latt hana þess að halda áfram á sjálfstæðisbrautinni. Vantrú þessara manna hefir e. t. v. orðið til þess, að ýmsum áföngum í framsókn þjóðarinnar hefir verið náð síðar en ella hefði orðið, en hún hefir aldrei megnað að kæfa vilja meginhluta þjóðarinnar til fulls frelsis. Reynslan hefir og sýnt, að þrátt fyrir allt hefir aukið frelsi ætið orðið þjóðinni svo ótvírætt til góðs, að jafnvel hinir vantrúuðu hafa orðið að játa. En sú játning hefir tiðast einungis verið bundin við það, sem orðið er, og efinn

haldizt jafnríkur um þau réttindi, sem enn hafa verið óheimt í hendur þjóðarinnar.

Það er nauðsynlegt, að menn geri sér ljóst, að þetta tvenns konar viðhorf er ekki nýtt, heldur hefir haldizt frá því að Íslendingar hófu fyrst sjálfstæðisbaráttu sína. Því að eins geta menn metið rétt þá vantrú, sem hjá sunum hefir hin síðari ár komið fram á því, að Íslendingar verði þess megnugir, að taka einir alger umráð yfir öllum málum sínum, að þeir geri sér ljóst, að sams konar vantrú á getu landsmanna hefir áður komið fram um allar þær réttarbætur, sem þegar eru fengnar og nú þykja sjálfssagðar.

En þótt óttinn um getuleysi landsmanna sé ekki nýr, þá er auðvitað ekki fyrir það að synja, að þó að hið ótrúlega hafi blessað fram að þessu, þá sé engan veginn vist, að svo verði einnig hér eftir, einkum ef öllum sér tengslum við hið gamla yfirráðaríki verður slitið. Það er því alveg vist, að þó að sagan sjálf virðist hafa markað Íslendingum alveg hik-laust þá leið, að þeir aettu að taka fullt sjálfstæði, þegar er þeir máttu, og þótt Alþingi og ríkisstjórn hafi marglýst yfir, að þessi væri ásetningur þeirra, þá mundi alger uppsögn sambandslaganna eftir árið 1943 engan veginn hafa orðið ágreiningslaus, ef ekkert sérstakt hefði í skorizt.

En nú hafa þeir atburðir orðið, sem hljóta að eyða öllum ágreiningi í þessu efni. Á síðari árum hefir því einkum verið haldið fram til styrktar sambandinu við Dani, að þeir veittu oss mikið öryggi gegn því, að aðrar þjóðir, oss síður vinveittar og þeim ágengari, tækju landið undir sig. Öðrum, sem að visu hefir verið varnarleysi landsins jafn-ljóst og hinum, hefir aftur á móti ekki skilizt styrkurinn af vernd Dana. Peir hafa munað, í hvílika hættu landsmenn komust í Napoleonsstyrjöldunum, vegna þáttlöku Dana í þeim. En þá hlífðu Englendingar landinu við hernaðarað-gerðum og birgðu það um skeið upp að nauðsynjum, þó að það tilheyrði þá óvinaríki þeirra og því hefði frekar mátt bú-ast við af þeim fjandskap en sliku drenglyndi, sem þeir sýndu þá. Mönnum hefir einnig verið kunnugt um þá frásögu

Dana, að 1864 hafi þeir haft ráðagerðir um að bjóða Þjóðverjum Ísland í skiptum, til þess að þeir fengi sér hagkvæmari samninga um Slésvík og Holtsetaland, er Þjóðverjar höfðu þá hertekið og héldu, þrátt fyrir gagnstæðar ráðagerðir Dana. Loks hafa menn haft í huga, að á ófriðarárnum 1914—1918 urðu Íslendingar æ meir og meir að annast sjálfir um utanríkismál sín og sjá sjálfum sér borgið í skiptum við aðrar þjóðir. Þeir, sem svo hugsa, hafa haldið, að öryggi landsins mundi aukast en ekki minnka, ef sambandsslit yrðu við Danmörku. Þó að eigi beri að efast um, að þetta síðara sjónarmið hefði orðið ofan á, þegar á reyndi, er samt vist, að ýmsir báru kviða í brjósti um, hvað verða myndi, er síðustu tengslunum við Danmörku væri slitið. Kviðinn um framtíð þjóðarinnar helzt og er vafalaust nú í hug fleiri manna en nokkru sinni fyrr. En þeir atburðir hafa gerzt, að engum getur framar til hugar komið, að aukið öryggi sé að sambandinu við Danmörk.

II.

Í árslok 1939 þótti mikil hætta á, að Danmörk kynni að dragast í Finnlandsstríðið, sem þá geysaði, og síðar inn í stórveldastyrjöldina. Að vísu er það ljóst af sambandslögunum, að Ísland getur verið hlutlaust, þó að Danmörk sé í ófriði, sbr. bæði 7. gr. og yfirlýsingu Íslands í 19. gr. sambandslaganna um ævarandi hlutleysi þess og að það hafi engan gunnfána, þar sem Danmörk hefir engu sliku lýst yfir og vitanlega hefir bæði her og gunnfána. En þrátt fyrir það var viðbúið, að hin nánu tengsl Íslands við Danmörku yrðu til þess að skapa hættu, eða a. m. k. að auka á þá hættu, sem ella kynni að vofa yfir landinu. Hin furðulegu og alröngu ummæli mikilsmegandi danskra stjórnámamanna, að af konungssambandinu hlyti að leiða sameiginlega utanríkispólítik, voru og mjög til þess lögud að auka á hættuna, ef mark var á þeim tekið.

Um áramótin mun og íslenzka rikisstjórnin hafa fengið ákveðinn grun um, að ef Danmörk drægist inn í stríðið,

mundi England telja sér nauðsynlegt að fá hernaðarbæki-stöðvar hér á landi. Grunur þessi fór mjög leynt og varð svo að vera eftir öllum atvikum. Ríkisstjórnin var þó ekki aðgerðalaus og lét þegar hefja athugun á, hver ráð væru líklegust til þess að firra landið slikum voða og hvernig við skyldi bregðast, ef hann bæri að höndum.

Nokkur bið varð þó á því, sem óttazt var, og eftir að Finnlandsstyrjöldinni lauk, dró litils háttar úr kviða manna. Þetta var þó einungis skin á undan skúr, því að aðfaranótt 9. apríl var Danmörk hertekin af Þýzkalandi.

Íslenzku ríkisstjórninni var þegar ljóst, að nú var þörf þeirra aðgerða, sem fyrirhugaðar höfðu verið. Hún lét því strax sama dag ganga frá tveimur þingsályktunartillögum, sem hún flutti á Alþingi næstu nótt og þar voru samþykktar af öllum þingheimi.

Fyrri ályktunin var um æðsta vald í málfnum ríkisins og hljóðar svo: „Með því að ástand það, sem nú hefir skapazt, hefir gert konungi Íslands ókleift að fara með vald það, sem honum er fengið í stjórnarskránni, lýsir Alþingi yfir því, að það felur ráðuneyti Íslands að svo stöddu meðferð þessa valds.“

Samkvæmt stjórnarskrá ríkisins fer konungur með hið æðsta vald í málfnum þess. Nú á dögum er þetta vald að vísu fremur form en það hafi raunveruleg áhrif konungs í för með sér, því að sjálfsagt er talið, að konungur fari eftir tillögum ráðherra sinna um allar stjórnarathafnir. En at-beini konungs er nauðsynlegt form. Ef því er ekki fullnægt, eru ýmsar stjórnarathafnir ólöglegar. Má hér einkum nefna staðfesting laga, útgáfu ýmissa stjórnarerinda, samninga við önnur ríki, kvaðning Alþingis, slit þess, frestun og rof, ýmsar embættaveitingar o. s. frv. Undirskrift konungs er nauðsynleg um allar þessar ráðstafanir, til þess að þær verði gildar. Ráðherrarnir verða því að vera í föstu sambandi við þann, sem með konungsvaldið fer. Samband þetta hefir að vísu aldrei verið svo náið sem skyldi, en þó hefir fram að þessu ætíð verið haegt að ná til konungs, eða þess, sem með

vald hans hefir farið, þegar mikið hefir legið við. En 9. apríl, þegar mest reið á, að heinu sambandi konungs og ráðherra væri haldið, slitnaði það. Þá komust meginherir tveggja mestu hernaðaraðilja, sem sagan greinir, á milli Íslendinga og konungs þeirra. Meðan svo stendur, getur vitanlega ekki átt sér stað sú samvinna, sem eftir stjórnarskránni er nauðsynleg milli konungs og ráðherra.

Í íslenzkum lögum eru ekki fyrirmæli um, hvernig að skuli fara, þegar svona stendur á. Mælt er fyrir um það, hvernig fara skuli, ef konungur getur hvorki gegnt konungdæmi i Danmörku né á Íslandi. Að hinu er alls ekki vikið, hvernig að skuli fara, ef honum er einungis ókleift að fara með vald sitt hér. Í íslenzku lagadeildinni hefir ætið verið kennt, að ef konungur vanrækti stjórnarstörf á Íslandi, þá yrði ráðuneyti þess að fara með konungsvald, unz Alþingi gerði aðra skipan. Aldrei hefir verið efzæt um, að svo bæri að fara að um þetta ólögákveðna tilfelli; en það, að konungi sé ókleift að fara með valdið, er þessu alveg hliðstætt, og sjálfsagt að láta hið sama gilda um hvort tveggja. Ríkisvaldið kemur frá þjóðinni. Alþingi er fulltrúi hennar og þess vegna bar því að segja til um það, með hverjum hætti skyldi með konungsvaldið farið, þegar hinn rétti aðili gat eigi beitt því. Hitt nær engri átt, sem flogið hefir fyrir, að úr því að konungur gat eigi farið með vald sitt, þá hefði danska ríkisráðið átt að taka við því. Það er að vísu rétt, að danska ríkisráðið á stundum að fara með konungsvald, ef konungur getur í hvorugu landinu beitt valdi sinu. En það á aldrei að fara með konungsvald, ef ómöguleikinn tekur einungis til Íslands, enda alveg ljóst, að nú var danska ríkisráðinu engu fremur kleift en konungi að fara með vald hans hér á landi.

Alþingi hafði þess vegna ekki einungis heimild til að ráðstafa meðferð konungsvaldins, heldur bar því til þess stjórnskipuleg skylda. Með þessu var ekki framið stjórnlagarof, heldur þvert á móti stjórnskipun ríkisins haldið uppi á hættunnar stund. En í ályktuninni má ekki telja felast meira en

hún sjálf segir. Hún afnemur ekki konungdæmi á Íslandi og sviptir konung ekki tign sinni. Ísland er eftir sem áður konungsriki, og hinn rétti konungur tekur aftur við völdum, þegar Alþingi telur skilyrði vera fyrir höndum til þess, að svo megi verða.

Síðari ályktunin, sem Alþingi gerði aðfaranótt hins 10. apríl, er svo hljóðandi: „Vegna þess ástands, er nú hefir skapazt, getur Danmörk ekki rækt umboð til meðferðar utanríkismála Íslands samkvæmt 7. gr. dansk-íslenzkra sambands-laga, né landhelgisgæzlu samkvæmt 8. gr. téðra laga, og lýsir Alþingi þess vegna yfir því, að Ísland tekur að svo stöddu meðferð mála þessara að öllu leyti í sínar hendur.“

Með sama hætti sem konungi er ókleift að fara með vald sitt hér á landi, er dönskum stjórnaryöldum ókleift að rækja umboð til meðferðar utanríkismála Íslands eða landhelgis-gæzlu.

Um landhelgisgæzluna stendur að því leyti sérstaklega á, að í 8. gr. sambandslaganna er Íslandi fengin heimild til að taka hana að öllu leyti í sínar hendur, hvenær sem því lízt. Purftu því engin sérstök atvik að vera fyrir hendi, til þess að taka hennar væri leyfileg. Eins og að er vikið í ályktuninni, voru samt ríkar ástæður fyrir henni, þar sem dönskum gæzluskipum var vitanlega ófært hingað til lands og danski flotinn auk þess háður valdi annars hernaðaraðiljans og þess vegna ósamrímanlegt hlutleysi Íslands að þola, að hann færi áfram með landhelgisgæzlu hér.

Íslandi er að visu ekki veitt nein heimild í sambandslögnum til einhliða afturköllunar umboðsins til meðferðar utanríkismála á meðan sambandslögin yfirleitt gilda. En forsendurnar fyrir umboði Danmerkur voru brostnar. Danmörk hefir samkvæmt sambandslögnum enga sjálfstæða heimild til að taka ákvarðanir um íslenzk utanríkismál, þó að hún að visu fari með þau. Ákvörðunarvaldið um hvert einasta úrlausnarefni er í höndum íslenzkra stjórnvalda, og úr því að þeim er ómögulegt að ná til danskra stjórnvalda og segja þeim, hverjar ákvarðanir eru teknar í íslenzkum utanríkis-

málum, er ljóst, að Danmörk getur ekki, meðan svo stendur, farið með utanríkismál Íslands.

Par sem Alþingi hefir tekið þessa ákvörðun, er eðlilegast, að það segi einnig til, hvenær forsendur hennar séu niður fallnar, svo að til fyrra ástands skuli hverfa á ný. Í ályktuninni segir raunar, að Ísland taki þessi mál að öllu leyti í sínar hendur, en með því er einungis átt við, að Ísland hefir áður farið með þessi mál að nokkru en Danmörk að nokkru, en nú er afskiptum Danmerkur lokið í bili. Hins vegar er með þessu alls ekki átt við fullnaðarráðstöfun þessara mála, sbr. orðalagið „að svo stöddu“. Að öðru leyti en þessu er gert ráð fyrir, að sambandslögin haldi gildi sínu.

Tvímælalaust er, að ályktanirnar 10. apríl voru nauðsynlegar, og þá ekki síður, að þær voru heimilar, bæði samkvæmt íslenzkum stjórnskipunarrétti og alþjóðalögum. Bæði konungur og dönsk stjórnvöld hafa eftir á viðurkennt, að hér hafi verið rétt að farið, en frá þessum aðiljum hefði helzt verið mótmæla að vænta. Þá hafa og a. m. k. tvö stórveldi, Bretland og Bandaríki Norður-Ameriku, viðurkennt hina nýju réttarstöðu landsins. Um afstöðu sumra annarra stórvelda er því miður öllu meiri óvissa, en mótmæli hafa hvergi komið fram.

Innanlands hafa þó heyrzt raddir um, að enn róttækari ráðstafanir hefði átt að gera, annað hvort þegar í stað eða a. m. k. nær strax. Skal eigi um það efazt, að nokkur rök hefði mátt fára fyrir því að fara svo að. En gagnrökin hljóta að verða þyngri á metunum. Má þar fyrst og fremst benda á, að þar sem Íslendingar eru varnarlausir og vopnlaus þjóð, verða þeir umfram allt að gæta vel þeirrar einu varnar, sem þeir hafa, en það er að ganga hvergi á rétt annarra og styðja allar gerðir sínar við ströngustu réttarákvæði. Svo var gert í þeim ályktunum, sem samþykktar voru, en frekari aðgerðir hefðu orðið umdeilanlegar, þó að styðja hefði mátt þær við nokkur rök. Aðrar ástæður, sem einnig eru veigamiklar, hnigu og að sömu niðurstöðu, en þar sem sú, er nefnd var, er ærin nóg, skal þetta mál eigi rakið frekar að sinni.

III.

Pau rök, sem á hefir verið drepið, sýna, að aðgerðir Alþingis 10. apríl voru bæði nauðsynlegar og réltmaðar. En það var enn fleira, sem vakti fyrir mönnum með samþykkt þeirra. Á þau viðbótarrök var þá hvergi minnzt, en nú virðist eigi lengur ástæða til að draga dul á þau.

Meðan ríkisstjórnin var að láta ganga frá orðalagi hinna umgetnu þingsályktana síðari hluta dags 9. apríl, barst henni bréf frá brezkum stjórnarvöldum. Þar er sagt, að brezka stjórnin óttist, að með tilliti til þýzku innrásarinnar í Noreg og hertöku Danmerkur sé aðstaða Íslands orðin mjög viðsjárværð. Segir síðan orðrétt: „Hins vegar hefir brezka stjórnin ákveðið að hindra það, að Ísland hljóti sömu örlög og Danmörk, og mun gera hverja þá ráðstöfun, sem nauðsynleg er til þessa. Slik ráðstöfun kann að útheimta það, að brezku ríkisstjórninni verði veittar vissar tilslakanir á sjálfu Íslandi. Brezka stjórnin gerir ráð fyrir, að íslenzka ríkisstjórnin muni i eigin þágu veita slikar tilslakanir, jafnskjótt og brezka ríkisstjórnin kann að þarfnaðr þeirra, og að hún muni yfirhöfuð ljá samvinnu sína við brezku ríkisstjórnina sem hernaðaraðili og bandamaður.“

Með þessu virtlist að því komið, sem óttazt hafði verið, að Ísland yrði á einn eða annan veg dregið inn í styrjöldina. Allur aðdragandi þessa benti mjög til, að samband Íslands við Danmörku ætti verulegan þátt í, að svo var komið. Herti þetta mjög á mönnum um að rjúfa þegar, a. m. k. um stundarsakir, þau tengsl, sem mestu hættuna hlutu að skapa, sem sé meðferð íslenzks konungsvalds í Danmörku, umboð Danmerkur til meðferðar íslenzkra utanríkismála og landhelgisgæzlu. Það var einkum þetta, sem vakti fyrir mönnum með að hraða svo afgreiðslu umgetinna ályktana, að þær voru samþykktar strax aðfaranótt 10. apríl. Eftir samþykkt þeirra var ekki framar hægt að nota samband Íslands við Danmörku sem átyllu fyrir hernámi landsins, þó að vitanlega héldist sú hætta, sem stafaði af því, að það sjálfst væri talið hafa hernaðarlega þýðingu.

Jafnframt því, sem þessar ályktanir voru gerðar, var í-hugað, hvernig svara skyldi hinni brezku orðsendingu, og gerði ríkisstjórnin það með bréfi 11. apríl. Í bréfi þessu er lögð áherzla á vináttu Breta og Íslendinga, en um orðsendingu sjálfa segir svo:

„Aðstaða Íslands er hins vegar sú, að þegar sjálfstæði Íslands var viðurkennt 1918, lýsti það yfir ævarandi hlutleysi og er auk þess vopnlaust. Ísland vill því hvorki né getur tekið þátt í hernaðarlegum aðgerðum, eða gert bandalag við nokkurn hernaðaraðilja.

Þó að íslenzku ríkisstjórninni dyljist ekki, að íslenzka þjóðin er þess ekki megnug að verja hlutleysi sitt, vill hún taka það skýrt fram, að hún mun mótmæla hvers konar aðgerðum annarra rikja, sem í kynni að felast brot á þessari yfirlýstu stefnu. Ríkisstjórnin lætur í ljós þá einlægu von, að með því að fylgja reglum itrasta hlutleysis, verði komið hjá allri hættu um skerðingu á því.“

Stefna sú, sem í þessari orðsendingu íslenzku stjórnarinnar kom fram, er ótvíraðt mörkuð af allri afstöðu og sögu íslenzku þjóðarinnar. Og því síður gat til mála komið að víkja frá henni, þar sem báðir aðalófriðaraðiljarnir, Englendingar og Þjóðverjar, hafa öldum saman, hvor að sínu leyti, sýnt Íslendingum fulla vinsemd. Íslenzka þjóðin í heild átti ekki fram að þessu annars en góðs að minnast frá skiptum sínum við báðar þessar þjóðir. Einstakir menn hafa auðvitað ólikar skoðanir um ágaeti hvorrar um sig og samúð frekar með annarri en hinni. Hefir m. a. s. miklu meira að þessu kveðið, einnig opinberlega, en góðu hófí gegnir, en það getur að sjálfsgöðu engu breytt um heildarafstöðu þjóðarinnar.

Eigi varð úr því þegar í stað eftir 9. apríl, að brezkur herafli væri settur hér á land, eins og menn töldu þá mjög yfirvofandi. Hins vegar var vitað, m. a. vegna yfirlýsingar Churchills í þá átt í neðri deild brezka þingsins, að brezkir stjórnmalamenn voru að ihuga afstöðu Íslands. Full ástæða er til að ætla, að þeir hafi um það haft samráð við Band-

rikkjamenn og að þeir atburðir, sem síðar gerðust, hafi a. m. k. verið með vitund þeirra.

Sú skoðun kom þegar fram, að það mundi að nokkru vera komið undir úrslitum viðureignarinnar í Noregi, hvað um Ísland yrði. Ef Englendingar hreklu Þjóðverja þaðan, þá mundu þeir ekki hafa verulegan hag af því að taka Ísland. En ef þeir biðu þar lægri hluta, þá mundu þeir telja sér meiri þörf en ella að hafa hér bækistöðvar. Hvort sem þessar hugleiðingar hafa verið réttar eða ekki, þá var það eigi fyrr en í ljós var komið, að Bretar gátu ekki náð sólfestu i Noregi, að þeir hófu aðgerðir hér á landi.

Aðfaranótt 10. maí var brezkur herafli settur á land i Reykjavík. Sama dag gekk hinn nýskipaði sendiherra Bretta fyrir íslenzku ríkisstjórnina og fullvissaði hana um, að hinn brezki herafli yrði hér ekki stundinni lengur en striðsnauðsyn krefði, enda mundu Bretar á engan hátt hafa afskipti af stjórn landsins.

Síðar sama dag afhenti íslenzka ríkisstjórnin sendiherranum mótmæli og segir þar m. a.:

„Út af atburðum þeim, sem gerðust snemma í morgun, hernámi Reykjavíkur, er hlutleysi Íslands var freklega brotið og sjálfstæði þess skert, verður íslenzka ríkisstjórnin að visa til þess, að þann 11. apríl s. l. tilkynnti hún brezku ríkisstjórninni formlega — — — afstöðu íslenzku ríkisstjórnarinnar til tillögu hennar um að veita Íslandi hernaðarvernd, og samkvæmt því mótmælir íslenzka ríkisstjórnin kröftuglega ofbeldi því, sem hinn brezki herafli hefir framið.

Þess er að sjálfsögðu vænzt, að bætt verði að fullu tjón og skaði, sem leiðir af þessu broti á lögglegum réttindum Íslands sem frjáls og fullvalda hlutlauss ríkis.“

Hinn 16. maí svarar brezki sendiherrann mótmælum íslenzku ríkisstjórnarinnar. Segir þar m. a., að brezka ríkisstjórnin hafi séð sig knúða til, með hagsmuni Íslendinga sjálfra fyrir augum, að koma í veg fyrir þann möguleika, að Þjóðverjar hertækju Ísland. Loks vill brezka stjórnin „einnig taka það fram, að það er fastur ásetningur hennar,

að kalla þennan her heim, þegar er yfirstandandi ófriði lýkur, og að hún hefir engan ásetning eða ósk um að skipta sér af núverandi stjórn landsins.“

Íslendingar efst eigi um, að það sé fastur ásetningur Bretta að kalla her sinn heim strax og ófriðnum lýkur. En hvenær það verður, veit enginn, né heldur, hvernig þá verður málum háttáð í heiminum og hverjir með úrskurðarvaldið fara.

Hitt er víst, að með hernáminu hefir fullveldi Íslands verið skert svo, að íslenzka ríkið fer þar eigi með hin æðstu ráð, heldur her hins erlenda ríkis. Sumir hafa m. a. s. litið svo á, að með hernáminu hafi aðgerðirnar 10. apríl verið ónýttar. Því fer fjarri, að svo sé. Raunar megnuðu þær ekki að forða landinu frá að vera dregið inn í ófriðinn. Afgreiðslu ályktananna frá 10. apríl var hraðað alveg sérstaklega í þessum tilgangi. En þessi tilgangur var ekki sá eini, sem fyrir mönnum vakti, enda kom hann á sínum tíma alls ekki fram, og voru allir þrátt fyrir það sammála um, að fyrir ályktununum væru alveg knýjandi ástæður. Allar þær ástæður eru fyrir hendi enn í dag. Nauðsynin á því, að hið æðsta vald íslenzka ríkisins sé innanlands, hefir aldrei verið meiri en nú, enda konungi enn síður kleift en áður að gegna því. Sama er um meðferð utanríkismála og landhelgisgæzlu. Svo erfitt sem það hefði verið, ef Danmörk hefði átt að fara með þessi mál frá 10. apríl til 10. maí, þá er það allsendis ómögulegt eftir þann tíma. Gildi ákvarðananna er hins vegar miklu meira en ella vegna þess, að þær voru teknar fyrir hernám Bretta en ekki eftir. Ef þá fyrst hefði verið hafist handa um þær, þá hefði verið erfitt að sannfæra nokkurn um, að þær væru ekki beinlínis gerðar að undirlagi Bretta, meðal annars til ögrunar hinum ófriðaraðiljanum. Nú verður hins vegar ekki um það efazt, að þær voru einungis teknar vegna nauðsynjar Íslands sjálfs og til að sýna sjálfstæðisvilja landsmanna gagnvart hverjum, sem kynni að vilja ganga á réttindi þeirra.

IV.

Atburðir þessir sýna enn ljósara en menn höfðu gert sér í hugarlund, að Íslendingar ráða ekki sjálfir örlögum sínum nema að litlu leyti. Ennþá ótvíraðara er þó hitt, að stoð finna þeir ekki hjá sambandsriki sínu, heldur stafar einungis aukin hætta af sambandinu. Hvar er þá hjálpar að vænta?

Hvergi nema hjá oss sjálfum.

Þegar i harðbakka slær, á hver þjóð nóg með að hugsa um sjálfa sig. Um samvinnu Norðurlanda hefir mikið verið talað á undanförnum árum. Sá fyrirvari var ætið gerður, að í hernaðarbandalag vildu hvorki þessar þjóðir ganga né gætu gengið. En að öðru leyti ætluðu þær að standa saman í orði og verki, og þær fregnir voru látnar berast hingað til lands, að ef Íslendingar slitu sambandinu við Dani, þá mundi þeim verða ofaukið í hinni norrænu samvinnu. Í vetur og vor reyndi á haldgæði hinna fögru orða. Oft höfðu fagrar ræður verið haldnar í veizlusölmum um samvinnuna, en í apríl í vor var það lífsnauðsyn, að forseti norska Stórbingsins fengi að flytja ræðu í Stokkhólmi til styrktar föðurlandi sínu. Það var fyrsta ræðan um norræna samvinnu, sem verulega þýðingu gat haft, en hún var líka sú fyrsta, sem bönnuð var. Eftir það verður það eigi notað sem ögrun gegn neinum, að hann eigi á hættu að fá eigi framar að taka þátt í norrænni samvinnu.

Petta er eigi sagt í aðfinningarskyni. Alveg hið sama kom fram 1864, og alveg hið sama mun ætið koma fram, hvenær sem á riður. Slíkt er dapurleg staðreynd, en það er staðreynd engu að síður og staðreynd, sem nauðsynlegt er að þekkja.

Íslendingar meagna að visu lítið. En yfir einu ráða þeir og það er eigin vilja. Á meðan viljinn til fulls sjálfstædis er vakandi, er enn von um batnandi tíma. En ef sá vilji hverfur, hlýtur þjóðernið sjálft, það, sem einkennir oss frá öllum öðrum og gefur oss eitthvert gildi, að hverfa þar með. Viljinn verður því að vaka. Örlögin kunna að verða oss óblið, en látum það eigi sannast, að það verði sjálfum oss að kenna.

Inn í framtíðina þýðir eigi að reyna að skyggnað. Vér

höfðum lengi haft ráðagerðir um að afnema síðustu leifar erlends valds á tilteknu ári. Atburðirnir knúðu oss til að gera það fyrr en ætlað hafði verið, en áður en varði voru á oss lagðar nýjar viðjar.

Prátt fyrir það eignum vér að halda sömu stefnu sem ákveðin hafði verið. Vér verðum að treysta því, að hinur nýju hömlur á sjálfstæði voru standi einungis skamma stund. Ef svo skyldi fara, að hinum ægilega hildarleik lyki bráðlega og unnt væri á ný að ná eðlilegu sambandi við konung vorn og sambandsríki, þá mundu aðgerðirnar 10. apríl verða felldar úr gildi, nema samkomulag næðist um að halda þeim áfram. En þótt þær félru niður, þá mundi það einungis verða um stundarsakir. Allir Íslendingar mundu þá verða sammála um að nota fyrst endurskoðunarákvæði sambandslaganna í ársbyrjun 1941 og síðan uppsagnarákvæðið strax og heimild er til þess, eftir árslok 1943. Til þessa mundi þó sennilega eigi koma. Dönum getur eigi fremur en oss dulizt, að sagan hefir kveðið upp sinn dóm, og að bezt er í vináttu að jarðsetja það, sem þegar er dautt. Nú er orðið alveg ótvíraett, að samfara niðurfalli sambandslaganna mundi konungs-sambandið einnig rofna, og verða Íslendingar því nú þegar að ihuga, hvernig þeir vilja láta koma hinu æðsta valdi fyrir.

Vera kann og, að ófriðurinn standi enn um stund, og hana e. t. v. langa. Frá upphafi var gert ráð fyrir því, að sú skipun, sem var á gerð 10. apríl, væri einungis til bráðabirgða. Verður og ekki á móti því mælt, að ef það ástand, sem nú er, helzt langa hríð, eru forsendur sambandslaganna fallnar brott, og geta Íslendingar þá ekki lengur verið bundnir af þeim. Einkanlega lægi nærrí að álykta á þessa leið, ef ekki væri unnt að byrja á samningum um endurskoðun á sambandslögnum á árinu 1941, þó að Íslendingar gerðu kröfu um það skv. 18. gr. sambandslaganna.

Ef þau atvik yrðu fyrir hendi, sem tvímælalaust sýndu, að Íslendingar væru ekki framar bundnir af sambandslögnum, mundi eðlilegast, að Alþingi og handhafi konungsvalds gæfu yfirlýsingu þess efnis, og síðan yrði þjóðarat-

kvaðagreiðsla henni til staðfestingar látin fara fram, með hliðsjón af 2. mgr. 75. gr. stjórnarskráinnar. Jafnframt þessu þyrfti Alþingi að samþykkja nýja stjórnarskrá, þing-rof að fara fram, nýjar kosningar, hið nýkosna Alþingi að samþykkja stjórnarskrárfrumvarp fyrra þingsins og hand-hafi konungsvalds að staðfesta það.

V.

Um efni þessa stjórnarskrárfrumvarps skal eigi fjölyrt hér. Á það skal einungis bent, að tvennt er til. Annað hvort, að gera einungis þær breytingar frá núverandi ástandi, sem óhjákvæmilegar verða vegna brottafells sambandslaganna og annars fyrirkomulags á meðferð hins æðsta valds, og hafa það þó sem líkast því, er var, meðan konungur fór með það, og að öðru leyti einungis nauðsynlegar formbreytingar eða leiðréttlingar. Eða að taka stjórnarskrána til gagngerðrar endurskoðunar, einnig þau atriði, sem ágreiningur er um, og mjög hæpið er, að til frambúðar sé.

Fyrri aðferðin er áreiðanlega greiðfærari. En karlmannalegra sýnist að velja hina. Í stjórnarskránni eru veigamikil atriði, sem verður að telja hæpið, að lengur eigi við, þó að áður hafi verið réttlætanleg. Má þar til dæmis nefna deilda-skriptinguna. Enn önnur eru slík, að mikill hluti landsmanna telur þau fullkomnið ranglæti, og á það auðvitað fyrst og fremst við um kjördæmaskipunina. Er sannast sagt við því búið, að ef ekki verður í tíma á löglegan hátt leiðréttur sá alrangi grundvöllur undir valdaskriptinguna í landinu, sem með henni er lagður, þá muni það áður en langt um liður leiða til enn meiri öfga á hinn bóginn. Loks er það mjög athugandi, hvort það er svo sjálfsagt sem í fljótu bragði kann að virðast að halda fast við þingræðisfyrirkomulagið eins og það hefir komið á hér eftir 1904.

Auðvitað dettur mér eigi í hug að gera tillögu um afnám lýðræðisins hér á landi. En þingræðið er einungis ein mynd lýðræðisins og mjög efasamt, að hún sé sú heppilegasta. Að minnsta kosti hafa Bandaríki Norður-Ameríku ekki litið svo

Með þessu svipuðu fyrirkomulagi hér á landi væri hið erfiða úrlausnarefni um forseta og samhengi í meðferð hins æðsta valds leyst fyrirhafnarlaust og á miklu kostnaðarminni hátt en ella. Sjálfsagt væri, að hlutfallskosningar væru á þingi um ráðherrastöðurnar, sem ekki þyrftu að vera fleiri en fimm, eða jafnvel þrjár. Þar með væri skapaðar verulegar likur fyrir, að réttur minnihlutans væri eigi jafnt fyrir borð borinn og verið hefir til skamms tíma undanfarin ár hér á landi. En jafnframt væri tryggt, að meiri hlutinn hefði ætið úrslitaráðin og gæti komið sínum vilja fram.

VI.

Á þessi atriði er hér einungis bent til ihugunar. Að lokum skal einungis að því vikið, að þótt allar líkur séu til, að vér höfum þegar á næsta ári formlegan rétt til að slita sambandinu við Danmörku til fulls og setja sjálfum oss frambúðar stjórnskipun, þá er mjög vafasamt, hvort hyggi-legt er að gera það, meðan erlendur her er í landinu. Þarf það mál rækilegri umhugsunar en það enn hefir hlutið. Hver úrræði, sem valin verða, ríður samt mest á, að þjóðin sé nú samhent og láti engan innri klofning eða veilur verða öðrum afsökun til ihlutunar um hagi hennar og framtíð.

Óvissan er mikil og örðugleikarnir láta áreiðanlega ekki á sér standa. Eitt bendir þó sterklega til þess, að vér séum eigi með öllu heillum horfnir. Það er, að allir meginflokkar þjóðarinnar skyldu standa saman um stjórn landsins, þegar þessir örlagariku atburðir gerðust. Þeirri samvinnu er um margt ábótavant og má vel vera, að flokkarnir þykist eiga högg í annars garð fyrir ýmislegt, sem þar hefir komið fram. En um meginatriðið: að reyna að forða þjóðinni frá hinni mestu hættu, sem yfir hana hefir komið oldum saman, hafa allir reynzt samtaka.

Ef þau samtök haldast, og ef þau sækja styrk sinn í einbeittan vilja þjóðarinnar til algers sjálfstæðis, höfum vér eigi látið vort eftir liggja.

Síðan ráða guð og gæfan, hver úrslitin verða.